

**Молиявий ҳисоботнинг халқаро стандартлари
асосида бухгалтерия ҳисобини юритиш ва 2023 йил якунлари
бўйича молиявий ҳисоботни тайёрлашга доир
АХБОРОТ ХАБАРИ**

2024 йил 6 февраль 03/43-2725-сон

Тошкент ш.

Ўзбекистон Республикаси Иқтисодиёт ва молия вазирлиги Ўзбекистон Республикаси Вазирлар Маҳкамаси ҳузуридаги Солиқ қўмитаси билан биргаликда 2023 йил якунлари бўйича молиявий ҳисоботнинг халқаро стандартларига мувофиқ, молиявий ва солиқ ҳисоботларини тақдим этиш бўйича қуйидагиларни маълум қилади.

“Бухгалтерия ҳисоби тўғрисида”ги Қонунга мувофиқ, хўжалик юритувчи субъектларининг бухгалтерия ҳисобини юритиш ва молиявий ҳисоботларни тузишга доир қоидалари бухгалтерия ҳисоби стандартлари асосида амалга оширилади, шунингдек, халқаро стандартлар асосида тузиладиган молиявий ҳисоботга доир талаблар **молиявий ҳисоботнинг халқаро стандартларида (МҲХС)** белгиланади.

Ўзбекистон Республикаси Президентининг **2020 йил 24 февралдаги 4611-сонли “Молиявий ҳисоботнинг халқаро стандартларига ўтиш бўйича қўшимча чора-тадбирлар тўғрисида”**ги қарорига мувофиқ, **акциядорлик жамиятлари, тижорат банклари, суғурта ташкилотлари ва йирик солиқ тўловчилар** тоифасига киритилган юридик шахслар (кейинги ўринларда – **ташкилотлар**) **2021 йил 1 январдан** бошлаб, МҲХС асосида бухгалтерия ҳисоби юритилишини ташкил этиши ва **2021 йил якунларидан** бошлаб **молиявий ҳисоботни МҲХС асосида** тайёрлаши, қонун ҳужжатларида МҲХСга ўтишнинг эртароқ муддатлари назарда тутилган юридик шахслар бундан мустасно эканлиги белгиланган.

Шунингдек, молиявий ҳисоботни **ихтиёрий равишда** МҲХСга мувофиқ тайёрлайдиган ташкилотлар **бухгалтерия ҳисобининг миллий стандартлари (БҲМС)** бўйича молиявий ҳисобот тақдим этишдан озод этилади.

Ташкилотлар **Ўзбекистон Республикаси** ҳудудида қўллаш учун тан олинган **молиявий ҳисоботнинг халқаро стандартлари** ва унга тушунтиришлар матни (**09.12.2022 йил, р/р. 3400**) асосида бухгалтерия ҳисобини ташкил этади ва молиявий ҳисоботларни тайёрлайди.

1-сонли **“Молиявий ҳисоботнинг халқаро стандартларини биринчи марта қўллаш”** МҲХСга (**09.12.2022 йил, р/р.3400, 27-илова**) мувофиқ ташкилот МҲХС бўйича **молиявий ҳолат тўғрисидаги кириш ҳисоботини МҲХСга ўтиш санасига** тайёрлаши лозим ва бу сана МҲХСга мувофиқ ҳисоб юритишнинг **бошланғич нуқтаси** ҳисобланади. Шунингдек, **МҲХСга ўтиш санаси** ташкилот ўзининг **МҲХС бўйича биринчи молиявий ҳисоботида** МҲХСга мувофиқ тўлиқ қиёсланувчан маълумотларни тақдим қиладиган **энг олдинги даврнинг боши** ҳисобланади.

МХХС асосида тайёрланадиган молиявий ҳисоботларнинг **тўлиқ тўплами 1-сон “Молиявий ҳисоботни тақдим этиш” БҲХСда (09.12.2022 йил, р/р. 3400, 2-илова)** белгиланган бўлиб, шунингдек, мазкур стандартда молиявий ҳисоботни тақдим этишга нисбатан **умумий талаблар белгиланган**, унга кўра, ташкилот молиявий ҳисоботнинг (жумладан, қиёсий маълумотни) **тўлиқ тўпламини камида йиллик асосда, минимал қиёсий маълумот сифатида** барча молиявий ҳисоботлардан **2 тадан** тақдим этиши лозим.

Юқоридагилардан келиб чиқиб, 2023 йил якуни бўйича МХХСга мувофиқ молиявий ҳисоботни тайёрлайдиган ташкилотларнинг МХХС бўйича молиявий ҳисобот шакллари ва тузилиши 1-сон “Молиявий ҳисоботни тақдим этиш” БҲХС (09.12.2022 йил, р/р. 3400, 2-илова) асосида, уларнинг солиқ ҳисоботи шакллари эса “Молиявий ҳисоботнинг халқаро стандартларга ўтган юридик шахсларнинг солиқларини ҳисоблаб чиқиш учун зарур бўлган кўрсаткичлар бўйича солиқ ҳисоботи шакллари” (20.10.2020 йил, р/р. 3221-1) йиллик асосида тайёрланади ва тақдим этиш санаси 2024 йилнинг 1 июнидан кечиктирмасдан тақдим этилади.

Шу жумладан, **2023 йил 1 октябрда** Йирик солиқ тўловчилар тоифасига киритилган, МХХСни биринчи марта қўллаётган юридик шахслар:

2023 йил якунлари бўйича молиявий ҳисоботларини БҲМС асосида тақдим этади ҳамда 2024 йил 1 январь санасида МХХС бўйича молиявий ҳолат тўғрисидаги кириш ҳисоботини тайёрлайди ва шу санадан бошлаб бухгалтерия ҳисобини МХХС асосида ташкил этади;

2024 йил якунлари бўйича қиёсий маълумотларни ўз ичига оловчи молиявий ҳисоботларини ва **2025 йил якунлари бўйича биринчи тўлиқ тўплам молиявий ҳисоботларини** тақдим этади.

Ушбу ташкилотларнинг солиштирма молиявий ҳисоботининг **мажбурий** аудиторлик текшируви аудиторлик ташкилотлари томонидан аудиторлик фаолияти тўғрисидаги **қонунчилик** ва **Аудитнинг халқаро стандартларида** белгиланган тартибда ўтказилади.

Moliyaviy hisobotning xalqaro standartlari
asosida buxgalteriya hisobini yuritish va 2023-yil yakunlari
bo'yicha moliyaviy hisobotni tayyorlashga doir
A X B O R O T X A B A R I

2024- yil 6-fevral 03/43-2725-son

Toshkent sh.

O'zbekiston Respublikasi Iqtisodiyot va moliya vazirligi O'zbekiston Respublikasi Vazirlar Mahkamasi huzuridagi Soliq qo'mitasi bilan birgalikda 2023-yil yakunlari bo'yicha moliyaviy hisobotning xalqaro standartlariga muvofiq, moliyaviy va soliq hisobotlarini taqdim etish bo'yicha quyidagilarni ma'lum qiladi.

“Buxgalteriya hisobi to'g'risida”gi Qonunga muvofiq, xo'jalik yurituvchi subyektlarining buxgalteriya hisobini yuritish va moliyaviy hisobotlarni tuzishga doir qoidalari buxgalteriya hisobi standartlari asosida amalga oshiriladi, shuningdek, xalqaro standartlar asosida tuziladigan moliyaviy hisobotga doir talablar **moliyaviy hisobotning xalqaro standartlarida (MHXS)** belgilanadi.

O'zbekiston Respublikasi Prezidentining **2020-yil 24-fevraldagi 4611-sonli** “Moliyaviy hisobotning xalqaro standartlariga o'tish bo'yicha qo'shimcha chora-tadbirlar to'g'risida”gi qaroriga muvofiq, **aksiyadorlik jamiyatlari, tijorat banklari, sug'urta tashkilotlari va yirik soliq to'lovchilar** toifasiga kiritilgan yuridik shaxslar (keyingi o'rinlarda – **tashkilotlar**) **2021-yil 1-yanvardan** boshlab, MHXS asosida **buxgalteriya hisobi yuritilishini tashkil etishi va 2021-yil yakunlaridan** boshlab **moliyaviy hisobotni MHXS asosida** tayyorlashi, qonun hujjatlarida MHXSga o'tishning ertaroq muddatlari nazarda tutilgan yuridik shaxslar bundan mustasno ekanligi belgilangan.

Shuningdek, moliyaviy hisobotni **ixtiyoriy ravishda** MHXSga muvofiq tayyorlaydigan tashkilotlar **buxgalteriya hisobining milliy standartlari (BHMS)** bo'yicha moliyaviy hisobot taqdim etishdan **ozod etiladi**.

Tashkilotlar **O'zbekiston Respublikasi hududida qo'llash uchun tan olingan moliyaviy hisobotning xalqaro standartlari va unga tushuntirishlar matni (09.12.2022-yil, r/r. 3400)** asosida buxgalteriya hisobini tashkil etadi va moliyaviy hisobotlarni tayyorlaydi.

1-sonli **“Moliyaviy hisobotning xalqaro standartlarini birinchi marta qo'llash”** MHXSga (**09.12.2022-yil, r/r.3400, 27-ilova**) muvofiq tashkilot MHXS bo'yicha **moliyaviy holat to'g'risidagi kirish hisobotini MHXSga o'tish sanasiga** tayyorlashi lozim va bu sana MHXSga muvofiq hisob yuritishning **boshlang'ich nuqtasi** hisoblanadi. Shuningdek, **MHXSga o'tish sanasi** tashkilot o'zining **MHXS bo'yicha birinchi moliyaviy hisobotida** MHXSga muvofiq to'liq qiyoslanuvchan ma'lumotlarni taqdim qiladigan **eng oldingi davrning boshi** hisoblanadi.

MHXS asosida tayyorlanadigan moliyaviy hisobotlarning **to'liq to'plami** 1-son "**Moliyaviy hisobotni taqdim etish**" BHXSda (**09.12.2022-yil, r/r. 3400, 2-ilova**) belgilangan bo'lib, shuningdek, mazkur standartda moliyaviy hisobotni taqdim etishga nisbatan **umumiy talablar belgilangan**, unga ko'ra, tashkilot moliyaviy hisobotning (jumladan, qiyosiy ma'lumotni) to'liq to'plamini kamida **yillik asosda, minimal qiyosiy ma'lumot sifatida** barcha moliyaviy hisobotlardan **2 tadan** taqdim etishi lozim.

Yuqoridagilardan kelib chiqib, 2023-yil yakuni bo'yicha MHXSGa muvofiq moliyaviy hisobotni tayyorlaydigan tashkilotlarning MHXS bo'yicha moliyaviy hisobot shakllari va tuzilishi 1-son "**Moliyaviy hisobotni taqdim etish**" BHXS (09.12.2022-yil, r/r. 3400, 2-ilova) asosida, ularning soliq hisoboti shakllari esa "**Moliyaviy hisobotning xalqaro standartlarga o'tgan yuridik shaxslarning soliqlarini hisoblab chiqish uchun zarur bo'lgan ko'rsatkichlar bo'yicha soliq hisoboti shakllari**" (20.10.2020-yil, r/r. 3221-1) **yillik asosida tayyorlanadi va taqdim etish sanasi 2024 -yilning 1-iyunidan kechiktirmasdan** taqdim etiladi.

Shu jumladan, **2023-yil 1-oktabrda** Yirik soliq to'lovchilar toifasiga kiritilgan, MHXSni birinchi marta qo'llayotgan yuridik shaxslar:

2023-yil yakunlari bo'yicha moliyaviy hisobotlarini BHMS asosida taqdim etadi hamda 2024-yil 1-yanvar sanasida MHXS bo'yicha moliyaviy holat to'g'risidagi kirish hisobotini tayyorlaydi va shu sanadan boshlab buxgalteriya hisobini MHXS asosida tashkil etadi;

2024-yil yakunlari bo'yicha qiyosiy ma'lumotlarni o'z ichiga oluvchi moliyaviy hisobotlarini va **2025-yil yakunlari bo'yicha birinchi to'liq to'plam moliyaviy hisobotlarini** taqdim etadi.

Ushbu tashkilotlarning solishtirma moliyaviy hisobotining **majburiy** auditorlik tekshiruvi auditorlik tashkilotlari tomonidan auditorlik faoliyati to'g'risidagi **qonunchilik** va **Auditning xalqaro standartlarida** belgilangan tartibda o'tkaziladi.

ИНФОРМАЦИОННОЕ СООБЩЕНИЕ
о ведении бухгалтерского учета и составлении по итогам 2023 года
финансовой отчетности
по международным стандартам финансовой отчетности

от 6 февраля 2024 г. № 03/43-2725

г.Ташкент

Министерство экономики и финансов Республики Узбекистан совместно с Налоговым комитетом при Кабинете Министров Республики Узбекистан сообщают о предоставлении по итогам 2023 года финансовой и налоговой отчетности по международным стандартам финансовой отчетности.

Согласно Закону «О бухгалтерском учете» хозяйствующие субъекты ведут бухгалтерский учет и составляют финансовую отчетность согласно стандартам бухгалтерского учета, при этом требования к финансовой отчетности, составляемой по международным стандартам, определяются **международными стандартами финансовой отчетности (далее - МСФО)**.

Постановлением Президента Республики Узбекистан от **24 февраля 2020 года № ПП-4611** «О дополнительных мерах по переходу на международные стандарты финансовой отчетности» предусмотрено, что **акционерные общества, коммерческие банки, страховые организации и юридические лица, отнесенные к крупным налогоплательщикам (далее - организации) с 1 января 2021 года** организуют ведение бухгалтерского учета и начиная с **итогов 2021 года** составляют финансовую отчетность на **основе МСФО**, за исключением юридических лиц, для которых законодательством предусмотрен более ранний срок перехода на МСФО.

Субъекты предпринимательства, **добровольно составляющие** финансовую отчетность по МСФО, **освобождаются** от представления финансовой отчетности по **Национальным стандартам бухгалтерского учета (НСБУ)**.

Организации ведут бухгалтерский учет и составляют финансовую отчетность на **основе МСФО и разъяснений к ним, тексты которых признаны для применения на территории Республики Узбекистан (рег. № 3400 от 09.12.2022г.)**.

В соответствии с МСФО (IFRS) 1 «**Первое применение международных стандартов финансовой отчетности**» (рег. № 3400 от 09.12.2022 г., 27-приложение) организация должна подготовить вступительный отчет о финансовом положении по МСФО по состоянию на дату перехода на МСФО, являющейся **стартовой точкой для ведения учета по МСФО**. Таким образом, датой **перехода на МСФО** является начало **самого раннего периода**, за который организация будет представлять полную сравнительную информацию согласно МСФО в своей первой финансовой отчетности.

Полный комплект финансовой отчетности по МСФО и **общие аспекты её** представления определены МСБУ (IAS) 1 «**Представление финансовой отчетности**» (рег. № 3400 от 09.12.2022 г., 2-приложение), предусматривающие предоставление полного комплекта **годовой финансовой отчетности на 2 отчетные даты** для минимально необходимой **сравнительной информации**.

Учитывая вышеизложенное, организации, составляющие финансовую отчетность по МСФО, раскрывают в годовой финансовой отчетности информацию на основе МСБУ (IAS) 1 «Представление финансовой отчетности» (рег. № 3400 от 09.12.2022 г., 2-приложение), а также составляют формы налоговой отчетности по показателям, необходимым для исчисления налогов юридических лиц, перешедших на МСФО (рег. № 3221-1 от 20.10.2020г.) и представляют **по итогам 2023 года данные отчеты не позднее 1 июня 2024 года**.

Организации, впервые применяющие МСФО, в том числе юридические лица, отнесенные с **1 октября 2023 года** к крупным налогоплательщикам:

предоставляют по итогам 2023 года - финансовую отчетность на основе НСБУ, а также подготавливают на 1 января 2024 года **вступительный отчет о финансовом положении** по МСФО и с этой даты ведут бухгалтерский учет по МСФО;

составляют по итогам 2024 года финансовую отчетность, включающую сравнительную информацию, и **по итогам 2025 года предоставляют первый полный комплект финансовой отчетности по МСФО**.

Обязательная аудиторская проверка финансовой отчетности данных организаций, включающей сравнительную информацию, проводится аудиторскими организациями согласно **законодательству об аудиторской деятельности и Международным стандартам аудита**.